

Verkalkt sinn merr nit

Wenn so drei wie de Schorsch, de Karl unn ich omm Stommdisch iwver Fortfahrn unn Reise – frieher hawwe merr doodriwwer Urlaub gesaat, awwer mir Rentner hawwe joo koon mehr – schwätze dun kann merr monches erfahrn. Unn dess iss nit immer was aus Fronkreich odder Amerika, naa, aach von Deutschland gib'ts vill ze erzähle. Weil hier im Lond gib'ts enn Haufe interessonte Plätz unn iwverall werdd was gemacht, um Touriste ooziehn unn ze unnerhalle. Doo hott zum Beispill de Karl verzählt, er wär joo schunn oft im Bayrische Wald gewese, awwer dissjohr hätter ess ersde Mol gesehe, wie frieher die Holzkohle gemacht worrn iss, die merr ferr alles Meechliche gebraucht hott unn nit wie heit nor zum Grille.

Also, verzählt de Karl, die Fraa unn ich sinn Oofong August in Waldmünchen gewese, dess leit on de tschechisch Grenz, unn dort hadde die enn Kohlemeiler uffgebaut, den hawwe die zwaa Woche long omm Brenne gehalle unn mir sinn zufällisch grad dort-gewese, wie die den Meiler mett vill Wasser gelöscht hawwe. Dess muss merr gesehe hawwe, dess iss e mords Gaudi, weil vill Leit kumme unn sich dess oogucke, gleich-zeitisch werdd erklärt, wie dess alles vor sich gieht, wie so enn Meiler uffgebaut unn betriwwe werdd unn wies kimmt, dass aus Holzscheite doodorsch, dass die gonz Zeit koo Luft ons Feier kimmt, Holzkohle werdd unn warum frieher iwverall im Bayrische Wald die Köhler – so haaße die, die onn so emm Ding schaffe – Holzkohle gemacht unn doodemett ihr Geld verdient hawwe.

Doo moont de Schorsch: Kennt merr sowas nit aach bei uns driwwe im Wald mache? Ich waaß nit, habb ich gesaat, merr kann joo eichtlich nit ebbes mache, was frieher bei uns nit gemacht worrn iss. Awwer ich hädd enn onnern Vorschlaach: Mir hawwe doch onn de Strooß nooch Hochem so Reste von Kalkbrennöfe, unn Kalkbrenne, dess hotts long in Flerschem gewwe. Die Öfe dort derf merr joo nit benutze, die sinn historisch, awwer merr kennt in de Kelp so enn Ofe noochbaue unn in dem Kalk brenne, Kalkstoo genuch hawwe merr joo noch im Dyckerhoff-Gelände.

Unn mett dem Kalk kennt merr aach heit noch was oofonge, sächt de Karl, weil so enn Kalk grad heit ferr Restaurierunge gesucht werdd.

De Schorsch war Feier unn Flomm. Dess wär was, doo kennt merr enn Haufe Leit hierherkrieh, die kennte sich dess oogucke unn kennte alls noch was dezulerne.

Ich saach: Unn so enn Dorchgong in emm Kalkbrennofe dauert aach nit so long, so nooch ooner Woch det merr schunn was sehe.

De Karl hott genickt. Als Bub hott merr moin Opa verzählt, dass de Martini omm Wickerbach noch bis weit in de ersde Weltkriech enoi Kalk gebrennt hott. Doo gib'ts doch aach e Ölbild vom Moler Geis, uff dem merr genau sehe kann wie die Öfe noch geraacht hawwe. Mensch, dess wär doch was, wenn merr wem aach immer dess schmackhaft mache kennt, dass so was wie Kalkbrenne genau so vill Leit nooch Flerschem bringe det wie enn Kohlemeiler nooch Waldmünche.

De Schorsch hott gerufe: Ihr Männer, doo hawwe merr doch widder e mords Idee geboren, odder?

Ja, habb ich gesaat, mir sinn joo schunn e bissi alt, awwer verkalkt sinn merr nit.